

SCRIPTA

Numéro Scripta : 779

Auteur(s) : Gautier le Meunier, de Villy [particulier]

Bénéficiaire(s) : Le Tréport, Saint-Michel (abbaye)

Genre d'acte : charte

Authenticité : non suspect

Datation : 1271, 29 novembre

Action juridique : vente

Langue du texte : latin

Analyse

Vente à l'abbaye d'une rente de dix sous tournois, par Gautier, dit le Meunier, de Villy

Tableau de la tradition

Éditions principales

a. Laffleur de Kermaingant Pierre, *Cartulaire de l'abbaye de Saint-Michel du Tréport (ordre de Saint-Benoît)*, Paris, Didot, 1880, n° CCXXII, p. 251-252.

Texte établi d'après a

Sciant omnes, presentes et futuri, quod ego Galterus, dictus Molendinarius de Velliaco, vendidi et concessi dominis meis, viris religiosis abbati et conventui de Ulteriori Portu, pro c. solidis turonensium michi pre manibus solutis, decem solidos turonensium annui redditus reddendos annuatim, ad Pascha Domini quinque solidos et totidem ad festum Omnium Sanctorum, percipiendos et habendos super duas masuras quas de ipsis teneo apud Velli, quarum una vocatur de Angulo, sita inter masuram Guillelmi Maleboute, ex una parte, et frocum ville qui vocatur les Caudart, ex altera ; altera masura sita est en le Bertaigne, inter masuram Hugonis Hoel, ex una parte, et viam que ducit ad molendinum domini Johannis de Fescamp, militis, ex altera ; pro quibus masuris ego et heredes mei debebamus annuatim dictis religiosis, et eorum successoribus, de antiquis redditibus, ad festum Omnium Sanctorum XII denarios et ad festum sancti Remigii duas anceres ; tenendos et habendos predictos decem solidos annui redditus, cum antiquis redditibus supradictis, ad terminos prenotatos, dictis religiosis et eorum successoribus, libere, quiete et pacifice, absque contradictione seu reclamazione de me et de meis heredibus de cetero facienda. Hanc autem venditionem ego, dictus Walterus, et heredes mei dictis religiosis et eorum successoribus contra omnes in perpetuum tenemur garantizare, per obligationem omnium bonorum nostrorum mobilium et immobilium, ubicunque sint vel fuerint inventa. Et si dicti decem solidi et duodecim denarii et due anceres non fuerint soluti ad dictos terminos, dicti religiosi et eorum successores, aut eorum mandatum, poterunt facere plenariam justiciam super predictas duas masuras, pro predicto reddito habendo et pro emenda. In cujus rei testimonium, ego, predictus Walterus, presentem cartam sigilli mei munimine confirmavi. Actum anno Domini M°. CC°. LXXmo. primo, in vigilia sancti Andre apostoli. Testibus hiis : Willelmo dicto Basset, clerico, Bernardo de Horneio, Johanne dicto le Caron et pluribus aliis.